



Broj: 01-02-1-1448/25

Sarajevo: 1. 7. 2025.

ZASTUPNIKU
U ZASTUPNIČKOM DOMU
PARLAMENTARNE SKUPŠTINE
BOSNE I HERCEGOVINE

6

BOGNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO. 01-07-2025


Organizaciona jedinica	Klasifikaciona oznaka	Redni broj	Broj priloga

Predmet: Prijedlog zakona o izmjeni i dopunama Zakona o Državnoj agenciji za istrage i zaštitu, predlagatelj: zastupnik Jasmin Emrić, dostavlja se

Poštovani,

Sukladno Odluci Kolegija Zastupničkog doma Parlamentarne skupštine Bosne i Hercegovine u privitku vam dostavljam Prijedlog zakona o izmjeni i dopunama Zakona o Državnoj agenciji za istrage i zaštitu, predlagatelj: zastupnik Jasmin Emrić, broj: 01-02-1-1448/25 od 27. 6. 2025., koji je Odjel za lektoriranje Tajništva Parlamentarne skupštine BiH lektorirao na bosanski, hrvatski i srpski jezik.

S poštovanjem,



Privitak:

- Prijedlog zakona

Dostavljeno:

- naslovu
- a/a

PRIJEDLOG

Na osnovu člana IV. 4. a) Ustava Bosne i Hercegovine, Parlamentarna skupština Bosne i Hercegovine, na _____ . sjednici Predstavničkog doma, održanoj _____ 2025. godine, i na _____ . sjednici Doma naroda, održanoj _____ 2025. godine, usvojila je

ZAKON O IZMJENI I DOPUNAMA ZAKONA O DRŽAVNOJ AGENCIJI ZA ISTRAGE I ZAŠTITU

Član 1.

U članu 10. Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12) iza stava (1) dodaju se novi st. (2) i (3) koji glase:

„(2) U slučaju da direktor nije u mogućnosti ispunjavati svoje dužnosti i odgovornosti ili samovoljno napusti dužnost ili prestanak vršenja dužnosti nastupi iz drugih okolnosti, a da radno mjesto zamjenika direktora nije popunjeno ili da zamjenik direktora iz drugih razloga nije u mogućnosti izvršavati svoje dužnosti i odgovornosti, dužnosti i odgovornosti direktora iz člana 8. ovog zakona preuzima i obavlja rukovodeći policijski službenik odjela i jedinica po redoslijedu utvrđenom članom 11. ovog zakona od tačke a) do tačke e).

(3) Rukovodeći policijski službenik odjela i jedinica iz stava (2) ovog člana preuzima dužnosti i odgovornosti direktora odmah po utvrđivanju ispunjenosti uslova iz stava (2) ovog člana od strane nadležnog sektora za administraciju i unutrašnju podršku SIPA-e, a privremeno ih izvršava do imenovanja vršioca dužnosti direktora ili sve dok direktor ili zamjenik direktora ne budu u mogućnosti preuzeti svoje dužnosti i odgovornosti ili do imenovanja direktora ili zamjenika direktora.“

U stavu (2) iza riječi „direktor“ dodaju se riječi: „ili zamjenik direktora“.

Dosadašnji stav (2) postaje stav (4).

Član 2.

Ovaj zakon stupa na snagu osmog dana od dana objavljivanja u „Službenom glasniku BiH“.

PSBiH broj: _____ /25

_____ 2025. godine

S a r a j e v o

Predsjedavajući
Predstavničkog doma
Parlamentarne skupštine BiH

Predsjedavajući
Doma naroda
Parlamentarne skupštine BiH

O B R A Z L O Ž E N J E

I – USTAVNI OSNOV ZA DONOŠENJE ZAKONA

Ustavni osnov za donošenje Zakona o izmjeni i dopunama Zakona o Državnoj agenciji za istrage i zaštitu sadržan je u odredbama člana IV. 4. a) Ustava Bosne i Hercegovine kojim je propisano da je Parlamentarna skupština Bosne i Hercegovine nadležna za donošenje zakona koji su potrebni za vršenje funkcije Parlamentarne skupštine Bosne i Hercegovine po Ustavu Bosne i Hercegovine.

II – RAZLOZI ZA DONOŠENJE ZAKONA

Ovim zakonom vrši se izmjena i dopuna Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12) (u daljnjem tekstu: Zakon) radi osiguranja kontinuiteta rukovođenja Državnom agencijom za istrage i zaštitu (u daljnjem tekstu: SIPA).

U članu 10. Zakona propisano je da, ako direktor nije u mogućnosti da ispunjava svoje dužnosti i odgovornosti, ispunjava ih zamjenik direktora sve dok ih direktor ponovo ne bude u mogućnosti preuzeti ili do imenovanja novog direktora.

Također je propisano da se, u slučaju da direktor ne može ponovo preuzeti svoje dužnosti i odgovornosti, provodi postupak u skladu s odredbama člana 7. stav (3) Zakona.

Međutim, odredbama Zakona nije propisano rukovođenje SIPA-om u situacijama kada direktor nije u mogućnosti da ispunjava svoje dužnosti i odgovornosti ili ako samovoljno napusti dužnost ili prestanak vršenja dužnosti nastupi iz drugih okolnosti, a da radno mjesto zamjenika direktora nije popunjeno ili da zamjenik direktora iz drugih razloga nije u mogućnosti izvršavati svoje dužnosti i odgovornosti, te je zbog toga izmjenom i dopunama člana 10. Zakona potrebno propisati rukovođenje i u navedenim situacijama.

III – RAZLOZI ZA HITNI POSTUPAK

Budući da radno mjesto zamjenika direktora SIPA-e nije popunjeno, aktuelno stanje rukovođenja SIPA-om koje je nastalo nakon što je direktor Darko Ćulum podnio zahtjev za razrješenje 18. 3. 2025. Ministarstvu sigurnosti BiH i Vijeću ministara BiH, zatim njegovim prijenosom ovlaštenja na pomoćnika direktora, načelnika Sektora za planiranje, analitiku, saradnju i informiranje te samovoljnim odlaskom iz SIPA-e, čime je prestao vršiti dužnosti i odgovornosti direktora prije razrješenja od strane Vijeća ministara BiH, nije utemeljeno na odredbama čl. 7. i 8. Zakona niti je u skladu s članom 68. Zakona o upravi („Službeni glasnik BiH“, br. 32/02, 102/09 i 72/17) (u daljnjem tekstu: Zakon o upravi).

Članom 68. stav 2. Zakona o upravi propisano je da „rukovodilac odnosno njegov zamjenik ostaju na dužnosti do roka određenog zakonom ili roka koji odredi organ nadležan za odlučivanje o ostavci“.

Kako Vijeće ministara BiH nije razriješilo direktora na njegov zahtjev niti je odredilo rok do kada ostaje na dužnosti, to je direktor bio u obavezi rukovoditi SIPA-om i ostati na dužnosti do razrješenja.

Budući da je direktor samovoljno otišao iz SIPA-e i prekinuo vršiti dužnosti i odgovornosti direktora prije razrješenja od strane Vijeća ministara BiH, a kako radno mjesto zamjenika direktora nije popunjeno to je hitno potrebno zakonom urediti aktuelnu situaciju radi osiguranja kontinuiteta zakonitog rukovođenja SIPA-om.

Dakle, riječ je o izmjeni i dopunama zakona visokog stepena hitnosti, a on je formuliran na jednostavan način tako da se može razmatrati u jednom čitanju.

IV – PRINCIPI NA KOJIMA JE PRIJEDLOG ZAKONA ZASNOVAN

Prijedlog zakona o izmjeni i dopunama Zakona o Državnoj agenciji za istrage i zaštitu (u daljnjem tekstu: Prijedlog zakona) zasnovan je na principima zakonitosti, efikasnosti, odgovornosti i transparentnosti u rukovođenju ovom upravnom organizacijom u okviru Ministarstva sigurnosti Bosne i Hercegovine, s operativnom samostalnošću, osnovanom radi obavljanja policijskih poslova na državnom nivou.

V – OBRAZLOŽENJE PREDLOŽENIH PRAVNIH RJEŠENJA

Članom 1. Prijedloga zakona dopunjava se član 10. Zakona novim st. (2) i (3):

Novim stavom (2) Prijedloga zakona uređuju se slučajevi kada direktor nije u mogućnosti ispunjavati svoje dužnosti i odgovornosti ili kada samovoljno napusti dužnost ili mu prestanak vršenja dužnosti nastupi iz drugih okolnosti, a da radno mjesto zamjenika direktora nije popunjeno ili da zamjenik direktora iz drugih razloga nije u mogućnosti izvršavati svoje dužnosti i odgovornosti, dužnosti i odgovornosti direktora iz člana 8. ovog zakona preuzima i obavlja rukovodeći policijski službenik odjela i jedinica po redosljedu utvrđenom članom 11. ovog zakona od tačke a) do tačke e).

U članu 11. Zakona utvrđeno je da se SIPA sastoji od sljedećih odjeljenja i jedinica:

- a) Kriminalističko-istražno odjeljenje;
- b) Finansijsko-obavještajno odjeljenje;
- c) Odjeljenje za zaštitu svjedoka;
- d) Jedinica za specijalnu podršku;
- e) Odjeljenje za unutrašnju kontrolu;
- f) niže organizacione jedinice uspostavljene Pravilnikom o unutrašnjoj organizaciji.

Novim stavom (3) Prijedloga zakona propisuje se da rukovodeći policijski službenik odjela i jedinica iz stava (2) ovog člana preuzima dužnosti i odgovornosti direktora odmah po utvrđivanju ispunjenosti uslova iz stava (2) ovog člana od strane nadležnog sektora za administraciju i unutrašnju podršku SIPA-e, a privremeno ih izvršava do imenovanja vršioca dužnosti direktora ili sve dok direktor ili zamjenik direktora ne budu u mogućnosti preuzeti svoje dužnosti i odgovornosti ili do imenovanja direktora ili zamjenika direktora.“

Budući da u dosadašnjem stavu (2) nije bilo određeno da se i za zamjenika direktora, ako ne može ponovo preuzeti svoje dužnosti, provodi postupak u skladu s odredbama člana 7. stav (3) Zakona to su u ovom dosadašnjem stavu (2), koji postaje stav (4), iza riječi „direktor“ dodate riječi: „ili zamjenik direktora“.

Članom 2. Prijedloga zakona utvrđuje se momenat stupanja na snagu.

VI – PROCJENA FINANSIJSKIH SREDSTAVA NEOPHODNIH ZA PROVOĐENJE ZAKONA

Za provođenje ovog zakona nisu potrebna dodatna finansijska sredstva.